



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

Epistola Athanasii Et Aegyptiorvm Episcoporvm, Ad Papam Liberivm. De
oppressionibus Arianorum.

urn:nbn:de:hbz:466:1-15256

poteſt perficere, & dare hereditatem vobis cum omnibus sanctis. Ipſe autem Deus pacis & consolationis dedit vobis id ipsum sapere in alterutrum, ut vobis inuicem succurratis, & non fitis diuini; ut unanimes uno ore & * uno corde honorificemus eum in concordiam & Rom. 16. consolationem fratrum, qui poteſt confirmare nos secundum euangelium eius, iuxta reuelationem mysterii æterni, temporibus scilicet perpetuis taciti, quibus vobis futurorum gaudiorum largienda sunt munera. Summopere etiam considerare debetis, quod hi qui fratribus inuident, eosque damnare aut perdere cupiunt, per ſe ſua dogmata deſtruunt. Dicit enim Dominus: Omne regnum in ſe diuīſum, non ſtabit: & omnis scientia & lex aduerſum ſe diuīſa, non ſtabit. Ideoque neceſſe eſt, ut concorditer ſalubres ſuſcipiatis hortatus, & nihil per contentionem agentes, ſed ad omne ſtudium deuotionis vñanimis, diuinis & apostolicis conſtitutionibus pareatis, & in nullo patiamini prouidentiſſima Canonum decretorum violari, quatenus & Nicænorum Canonum conſtituta, & quæ a nobis vel a prædeceſſoribus noſtriſ ſunt prouide & ſalubriter decretata, intemerata per manent in futuro.

EPISTOLA ATHANASI

ET AEGYPTIORVM EPISCOPORVM,

AD PAPAM LIBERIVM.

De oppreſſionibus Arianorum.

Domino beatissimo & honorabili, sancto patri Liberio papæ,
Athanasius & uniuerſi Aegyptiorum episcopi, in unum
ſynodice apud Alexandriam congregati.

VESTRÆ beatissimæ paternitatis iura penes Deum ſunt manifesta, dum prædicationibus ſcilicet apostoliſ & doctrinis, verae fidei cultura, vniuerſa repleta ſit terra. Per diuinorum tamen eruditio[n]em eloquiorum, v[er]a instruente admonitione exhortatoria, ſuperadiſcatur orthodoxa Christi ecclesia, apostolica institutio[n]e fundata, & a fideliſibus patribus firmiſſime roborata: ad quam omnes beatissimi apostoli pari honoris & potestatis conſortio prædiſti, populorum agmina conuerteren-

Concil. Tom. 3.

V

tes, pie sancteque de tenebris ad lumen, de lapsu ad veram fidem, de morte ad vitam homines diuinæ prædestinationis gratia præscitos, salutaribus præceptis ac monitis perduxerunt. Quorum sanctorum apostolorum vestra fraternitas honoranda sequens merita, & perfectius implens exempla, ecclesiam Dei morum probitate & aetuum sanctitate condecorat, & fide sacra Christianisque moribus vigens, quæ fieri Deo placita præcipit, studiis pontificalibus indesinenter operatur & perficit, seruans legis diuinæ mandata; quia non *legis auditores iusti sunt apud Deum*, sicut narrat Apostolus, *sed factores legis iustificabuntur*. Nos enim hæc meditari cupientes, & ea quæ a sancta sede vestra apostolorum, eorumque successorum prædicatione suscepimus, atque quæ in Nicæna Synodo roborata cognouimus, prædicare, & Arianorum blasphemias, atque aliorum haëreticorum, repellere cupientes, quotidie ab his persequimur, & damnationi tradimur, atque morti destinamur. *Qua de re precamur, ut vestris exhortationibus tam per vos, quam & per apocrifarios vestros adiuuemur; ne, dumilli crescunt, & nos minuimur, vera fides destruatur, & eorum haeresis ultra fidem nostram crescat: quoniam timemus, ut postquam abundauerit iniqitas, refrigerescat caritas multorum.* Pro qua re, multa vestrae sacræ doctrinæ tam apud Deum, quam apud cunctos fideles merces & laus reposita est, si vestra hæc rescentur auctoritate. Nostram enim fidem, quam a sanctis patribus accepimus, & tenemus, atque docemus, subter inferuimus, ut si aliquis vobis aliter nos credere, aut docere, aut accusando, aut mussitando retulerit, vel detrahendo, scriptis mandauerit, per hanc manifeste nos ita credere & docere agnoscatis.

Matt. 24.

Credimus namque in unum Deum Patrem omnipotentem, omnium visibilium, nec non & inuisibilium factorem. Et in unum Dominum Iesum Christum, filium Dei, natum ex patre, unigenitum, hoc est, ex substantia patris, Deum ex Deo, lumen ex lumine, Deum verum ex Deo vero, natum, non creatum, homousion, hoc est, eiusdem cum patre substantia, per quem omnia facta sunt cœlestia & terrestria. Qui propter nos homines & pro-

pter nostram salutem descendit de cælis, & incarnatus est, & homo factus est, passus est, & resurrexit tertia die: ascendit in cælum, venturus inde iudicare viuos & mortuos. Et in Spiritum sanctum. Eos autem qui dicunt, Erat tempus, quando non erat, & priusquam nascetur, non erat, & quia ex nullis subsistentibus factus est, aut ex alia substantia, vel essentia dicunt esse trepton, hoc est, conuertibilem atque mutabilem filium Dei, hos anathematizat catholica & apostolica ecclesia. Hanc venerabilem fidem trecenti quidem decem & octo patres agnouerunt & amplexi sunt, & consonantes & vnanimes scriptis explanauerunt.

Sed modo, quoniam contra hæc, vt nostis, talia exurgunt, qualia non debent, venite, & nos, dilectissimi fratres, cum Deo descendamus ad visitationem, id est, inquisitionem sermonum eorum, & confundamus per approbationem verissimam ibidem linguis eorum, eleuatas contra scientiam vñigeniti filii Dei, & iniquitatem in altitudinem humanitatis eius loquentes. *Disrumpamus vincula eorum* per gladium spiritualē, quod est verbum Dei, & proiiciamus a nobis iugum ipsorum, per expugnationem profani sensus illorum. Tunc enim ipse quoq; Dominus irridabit eos, & subannabit: & tunc loquetur adeo in ira sua, & in furore suo conturbabit eos, secundum B.Ieremiam, dicens: *Falso prophetæ isti vaticinantur in nomine meo. Non enim misi eos, & non præcepī eis, neque locutus sum ad eos. Visionem mendacem, & diuinationem, & fraudulentiam, & seductionem cordis sui prophetant vobis.* Ideo hæc dicit Dominus de prophetis, qui prophetant in nomine meo mendacium: *Erunt proiecti in viis Ierusalem, & conculatio omnium pie confitentium me, & non erit qui sepeliet eos.* Nemo enim * se abscondere potest quibusdam subreptionibus commentitiis, sicuti nec foliis fici antiquus transgressor præcepti Adam potuit, qui per propriam linguam inuercunde nudatur. *Laqueus enim fortis viro, labia eius: & captus propriis sermonibus, & opere manuum eius: retributio autem laborum eius dabiture ei, & impietatis reprehensio.* Arguam te, inquit, & statuam contra faciem tuam. Existi masti inique, quod essem tibi similis. Propterea, sicut dicit Dominus ad Gedeon, *deponamus eos ad aquam veræ discretionis, & probemus eos ibi regulari examinatione, in id ipsum pronos corruen-*

Concil. Tom. 3.

V ij

*Psal. 72.
Psal. 2.
Ep. 6.*

Psal. 2.

Ter. 14.

*Gen. 3.
Prou. 6.*

*Psal. 49.
Iudic. 7.*

*abscon-
di

Rom. 1. tes, per ostensionem praui intellectus eorū, vtrumne sint apud se sapientes, diuini verbi scientiam ignorantes; quoniam dicentes esse se sapientes, stulti facti sunt, & mutauerunt gloriam catholicæ ecclesiae propria nouitate & voluntate, siue per ea, quæ illicite in eius defensione gesta sunt, hæreticam turbulentiam introducentes, illud competenter ad nos retinentes, quod bene ad Iesum filium Sirach dictum est:

Ecccl. 4. *Vsq; ad mortem certa pro veritate, & Dominus Deus pugnabit pro te.* Huius rei gratia, vniuersalis vobis a Christo Iesu commissa est ecclesia, vt pro omnibus laboretis, & cunctis opem ferre non negligatis: quia dum fortis armatus custodit atrium suum, in pace sunt omnia, quæ possidet. Ideoque tanta urgente necessitate, summopere cōprimite vestra summa auctoritate infestos, releuate oppressos, vt absq; graui, Domino opitulante, difficultate ipsi grataanter omni tempore sacrificare mereamur illæsi. *Et subscriptio: Aeterna te seruet diuinitas per multos annos, sanctissime patru pater. amen.*

EPISTOLA XIII. LIBERII PAPÆ AD ATHANASIVM ET EPISCOPOS ÆGYPTIOS RESPONSORIA.

Contra perturbatores pacis & quietis ecclesiarum, & tales qualiter puniendi.

Dilectissimo filio Athanasio, & omnibus in unum congregatis, & de Trinitatis fide recte sentientibus Ægyptiorum episcopis, Liberius papa.

OLIM & ab initio tantā percepimus a B. Petro apostolorum principe fiduciam, vt habeamus auctoritatem pro vniuersali ecclesia, ad rectam defendendā fidem, quatenus nulliliceat statum sanctæ ecclesiæ cōmouere, ad lassionem recte credentium, absq; sui periculo honoris. Epistolam siquidem vestram, nobisq; directam, ante nos recitari fecimus, tribulationes & persecutions, quas pro recta fide patimini, intelleximus. Super quibus & nos vna vobiscum cōdolemus, & laborare pro vobis, vt pater pro filii, parati sumus. Fidem vero Nicæni Concilii in eadem epistola rectam reperimus, super qua & Deo gratias vberimas retulimus, pro qua non solummodo persecutions & passiones sustinere vobiscum parati sumus, sed etiam si necesse fuerit, mori pro Christi nomine, inquantu nostra finit fragilitas, non respuimus. Igitur prædictum sanctum